

新疆图志

新疆圖志

新疆圖志卷七十九

道路一

淮南鴻烈有言西北爲蹶通之維

蹶通一本作蹶通

夫大荒以西峻坂奇嶽流

沙阻絕非馳傳置驛莫繇棣通此蹶通之義所由昉也古者有侯人之官有野廬之掌象胥狄鞮重譯欸關東西一侯南北一尉遠方之物梯航自致書曰通道九夷八蠻通之時義大矣哉西域自古不通中國漢武之世張騫鑿空從吏卒爭上書求使初置酒泉郡以通西北國列亭鄣至於玉門以西是爲西域初設郵傳之始其後貳師遠征大宛西域震懼稽顙來庭東至敦煌西至鹽澤往往起亭障而桑宏羊復奏言輪臺以東廣饒水草請益墾溉田稍築列亭連城而西驛傳之制自此寢興焉東漢踵成績致同軌都護校尉領土遍天山南北斥埃亭燧出長城延袤數千里輶軒之使冠蓋相望置郵遺址蓋猶有存者繼漢而開西域者莫盛於唐貞觀之時踐漢舊迹並南山抵葱嶺剖裂府鎮烽烟相屬太宗詔

磧南鵲鵲泉之陽置過郵六十八所具羣馬渾肉以待使客邊亭

郵舍益修飭矣夫漢唐以還西疆情勢代有變遷時有通絕郵程

故道湮廢難徵然而攷道里之齟差準方位之嚮背班書唐志圖

史尚存其經營開置之規釐然可觀漢時驛使出玉門陽關玉門

在敦煌之東北出北道陽關在玉門之西南出南道皆當漢衝由

陽關自鄯善而西經且末精絕今之鄯善縣在哈密西偏吐魯番東偏非古鄯善國李光庭謂漢時鄯善姑尤且末精絕戍盧小宛渠勒等國在今敦煌以西羅布

淖爾以南昔已淪為戈壁扞彌今于闐縣以至于賓今和闐州又西北而至莎車今葉爾羌所謂傍南山波

河行此南道也漢南道久湮沒今往于闐者必取道哈密轉而西南又折而東西繞越幾及萬里前劉錦棠會專道員弁義糧探路循漢故道名有圖記終以沙水沮洳深陷馬足難於通行此道竟淪廢矣由

玉門自鄯善而北至於伊吾今哈密轉而西行經胡狐今吐魯番西北白楊河等地至車師

前王庭今吐魯番西招哈和屯及哈喇和卓等地循危順焉耆昔今喀喇沙爾境龜茲今庫車南境姑墨今阿克蘇溫宿今烏什說詳建置三

尉頭今巴楚州附近蘇木塔什故城以至疏勒今喀什噶爾所謂傍北山波河行此北道也西域以葱嶺為總幹

在葉爾羌之南分枝東行者為南山山身什溫宿之北分枝東行者為北山然漢書所稱傍南北山二道皆在今天山之南與今之南路在天山南北路在天山北者大異未可以古而例今也其出陽關不經鄯

善西自姑尤今姑尤縣在羅布淖爾之旁焉耆府屬非古姑尤國小宛戎廬以至渠勒此又南道之南所

謂僻南不當孔道者也此道正當今天山南路又自伊吾而北至蒲類今奇臺屬之木壘河地逾

西而爲車師後庭今通化阜康奇蓋之地單桓今昌吉烏貪訾離今呼圖以至烏孫綏來以上至伊犁皆

烏孫此又爲北道之北亦不當孔道者也此道正當今天山北路若夫循漢南道以

西踰葱嶺則可出大月氏今巴克達山西南及阿富汗北境以抵安息今波斯循漢北道以西

踰葱嶺則可出大宛今浩罕地康居今撒馬兒罕及布哈爾哈薩克左右諸部皆是以達奄蔡今希達城又自于闐

而南經皮山今莎車府屬皮山縣西夜今蒲犂地上葱嶺躡懸今進坎巨提境須臾繩橋而渡而至罽賓今克什米爾

則可入於天竺今法屬北緯憲生皆取道於此于斯時也汗血之馬充於天廐蒲陶之實

植於上林雖由李廣利竇固班超之屬窮極兵力杖策西征山東

諸郡因以空匱百姓苦之竭中土之脂膏以肆其開邊畧遠之志

誠所謂得不償失然德威所漸雪峯冰嶺之國莫不砥屬雖曰天

之所開會際其時盛極而衰有由然已魏晉而降漢時南道同淪

瀚海于賓一隅號稱磧尾西遊者罕遵焉滄桑之變自古已然涂

轍遷移固無歷久不渝之理元魏太武之世使董琬通西域更開

四道自玉門度流沙西行二千至鄯善爲一道自敦煌度流沙北行

二千二百至車師爲一道從莎車西行二百至葱嶺越西千三百抵伽部魏書作伽倍在莎車

之西域圖志謂當在葉爾羌略什噶爾以西葱嶺環帶之內者為是為一道又從莎車西南五百里至葱嶺西南千三百里至波

路波路即蒲犂之轉音漢為蒲犂國西域圖志稱為伊西河庫爾津附又名色勒庫爾城今設蒲犂廳治為一道第其時中原多故通絕不常

循常置戍未聞遠畧隋大業中裴矩奉使還撰為圖記自敦煌至

西海亦分三道其北道從伊吾經蒲類海至鐵勒部突厥可汗庭

今烏魯木齊地其中道從高昌今吐魯番經焉耆龜茲至疏勒其南道從鄯善于寘

經朱俱波今英吉沙爾地至喝盤陀在葱嶺上皆度葱嶺至於西海唐代因之舉烽

列燧瞭望之卒更番之吏不絕於道是以邊庭晏然埃人無驚者

垂四十餘年而元契辨機之倫復往來風沙鬼難之域卓錫孤行

自闢涂徑經凌山今穆素爾嶺又名木蘇爾即冰達坂也渡大清池李光庭開考謂即上開池今特穆爾圖泊黃林材西域圖說稱為熱池跨干泉

今吹河踰鐵門而南今浩罕南部涉縛芻河今阿母河北入於印度苟非聲教遠訖履

若康莊烏能及此哉故夫自漢逮唐雖土宇不詳於職方貢賦未

登夫天府然且開亭設鄣萬里相奉不憚勞費以通之卒使遐荒

絕漠無邃弗暨昧谷之民請吏納質者絡繹於路通之為效猶若

此其大也矧夫我

朝長駕遠馭邁古蹟今舉西域四百餘萬方里南回北準咸隸版
章疆理其地冠帶其人飛書羽檄邇若庭戶屯衛軍塘與赤縣神
洲相聯屬豈如班固所言盛德在我無取夫彼者乎溯新疆郵傳
之規始自乾隆二十四年大功耆定全疆蕩平天山南北兩路遍
置臺站而巖疆扼塞與夫毗接藩封之處復爲卡倫鄂博綿互延
衍以資重固軍事則領以營員及筆帖式卡倫則領以驍騎前鋒
校而統以待衛繇是四通八闢碁布星羅同光軍興還定安集開
府置郡而舊設之軍臺營塘悉從省制改爲驛站統隸於守令迺
建行省於烏魯木齊取適中之地當四達之衝所以居中控馭通
南北之郵者於是乎繫焉夫古者設邊守在四夷西徼深溝重塹
天險之國不患其不能守而患其不能通通則富不通則貧通則
強不通則弱况今昔時勢日異而歲不同環我邊境之外輪軌輳
發電激星馳駿駭乎有長驅席卷之勢此豈容閉關自保徒爲是
一亭一堠一乘一騎之芟芟者哉蓋新疆自入版圖以來郵傳之

制由軍塘而驛站由驛站而郵政至是凡三變矣他日鐵路之興又將變而愈通則開荒徼爲康衢化荆棘而文物此固窮變通久之方所不能闕遇者故歷考全疆道路之險夷通塞車行人騎之衝僻往來之迂捷速遲識要識詳備載於篇而驛站郵電各係以表並圖鐵路虛線爲世之籌邊者鏡焉

迪化縣

城東十里水磨溝

水木明瑟近郊勝地官設機器局一坡上居民三四家

折東北十里七道灣卽屢豐堡

堡傾圯居民二十餘家若出省城北門東北行至此會官道終近二三十里

二十里古牧地舊爲輯懷城

西域圖志作古木水道記作孤穆第沿途樹林茂密光緒二年回會王治

等據城堅守夏六月大軍出關攻克之城遂毀今市廛居民二百餘家

二十里黑溝驛

今驛舍移設古牧地此處居民三四家溝西坡路約長十里

二十里出境接

阜康西境官道

距甘泉堡二十里

城南二十里十七戶地折東南十里羊腸溝

坡陀迂折

十里茂茂槽

土屋三家南北皆山

無草木

五十里柴俄驛

民居五六有草無木昂吉圖爾驛在南山下距大道僅里許

三十里馬蘭灘十五里鹽海子

蒙語呼達布遜淖爾

明華夷譯語曰答不遜即達布遜也

四十里達坂城驛蒙語呼喀喇巴

爾噶順

首黑虎城也城在南山之間形勢險要爲南疆門戶同治間陷於逆回光緒三年春官兵攻克之今駐噶順巡警守備居民百餘家

十里入峽

經廢堡一周約二里同匪所築涉視國缺口荒店一

家

十五里至嶺巔嶺巔峻坂車行最艱七里後溝嶺下土屋三間行人憩息於此八里出峽遠行曲岸有荒草小樹三十

里白楊河多坡阜登降坎坷再東南行半里許至界碑處出境接吐魯番西北境官道距小南湖驛三十里

謹案自達坂城至後溝光緒二十九年巡撫潘效蘇開一新途

遶行山峽中免踰峻嶺戊申秋被水冲决乃仍修築舊路焉

城西二里西大橋折西北三里頭工水口二十五里大地窩舖村舍二十餘家野樹扶疏

十五里小地窩舖居民四十五家三十里頭屯河西接昌吉東境官道

又自城東北四十里之古牧地向西行由西二渠水口上

十五里至破城子準部時宰桑噶爾藏多爾濟卓帳處在今孤棧第西十五里三十五里至頭屯河西

與驛路會此亦車行孔道避孤就弦較遠由省城近一日程

以上迪化大道

城東出新東門四十里石人子溝二十里甘溝七十里海台入阜康界又

出新南門東行逾馬王廟六十里至牛糞溝過此乃懸崖絕壑人迹罕到

城南十里至十里舖二十里烏拉擺一十五里甘河一稞樹有支徑二一東南行

四十五里至水西溝一西折西行三十里大西溝大西溝為迪化州民地西城關志大西溝南行四十五里至黃草梁折西行三十里大西溝東北距州治二十里水泉饒沃居民極比折西南

七十里永豐渠

有通公勝渠路

折南行五十里板房溝二十五里和陽渠又

城南經石灰窰店十里倉房溝八十里公勝渠折東行七十里太

平渠二十里謝家溝二十里小渠入山徑城西八里舊滿城

即鞏甯城有車路十

五里至嵐炭密

西南行三十里入山有徑路通伊犁水道記曰阿拉癸山南

案阿拉癸今名阿爾斯為焉耆吐魯番界限西域圖志阿拉癸鄂拉在通化之南

有徑路通伊犁自惠遠城百六十里至塔勒

奇山口又四百七十里至哈什河岸之都爾伯勒津回莊又五十

里至察罕拜牲

西域圖志察罕拜牲在托里西五十里舊有城

又七十里至空格斯河岸之烏圖嶺

又九十里至圖爾根河

阿爾察圖之役克勒特人開大兵克納喇特嶺至哈什八月初八日由屯追至圖爾根河遇賊力戰詔此河也

又七十里至

奈蘭部勒又二十里至烏努古特嶺又三十里至昌曼

地名

又三十

里至納喇特嶺又三十里至大裕勒都斯河又四十里至阿爾沙

圖又百九十里至胡吉爾臺

胡吉爾臺語謂確也

又五十里至哈屯博克達山二

百五十里至薩勒哈郭勒又百五十里至烏蘭布拉克又六十里

至達爾達木圖又七十里至烏蘭拜又三十里出山至鞏甯城城

東北四十里古牧地自古牧地之西經太平渠向北行三十里吉

三泉四十里三箇泉二十里上胡桐窩十里下胡桐窩六十里白

家海子又自古牧地之西向東北行至東長山十五里至十二戶

莊北行折西至四道壩

東長山有支路北行經頭道壩二道壩三道壩至四道壩

遠行至甘河

有支路西行六十里至上胡桐窩

折

西北逾卡子沙山至旱八戶地

自甘河至此一百一十里

又由城西過西大橋至大

石頭向北行十里大西溝十里小西溝十里三工莊三十里破城

子

自古牧地走昌吉車路經此

五里固堡東渠折東北過西長山十五里至三箇泉頭

道水口折北行逾龍王廟西五道灣六十五里至蔣家灣

在城北一百一十里

與

上胡桐窩支路會又由城西頭工莊北行四十五里宣仁墩五里

廣東莊五十里沙渠子三十里甘州工八十里白家海子

謹案白家海子距城二百一十里跨迪化昌吉北境原係草灘

每屆秋令上游渠水歸宅於此故以海子名迤北爲科布多屬

之大戈壁東西廣五百里南北袤三百里與塔爾巴哈臺接畛

蒙古游牧記謂卽唐之沙陀州以地望準之是也

以上迪化支路

阜康縣

城東二十里九運街

有土堡民居市廛頗盛齊駐沉兵

二十五里大泉腰站

飯店二泉水廿

二十里

小泉

店一

二十五里紫泥泉設楊柏驛

居民三十餘戶泉水甘有支路自東南行渡大黃水以達半遠之大墩灘計程三十里

三十

五里出境接孚遠西境官道

出本境即孚遠屬之四十里井子自阜康城至此凡一百四十里路平曠多樹林

城西三十里廿

泉堡

二小店

三十里出境接迪化東境官道

距黑溝二十里

以上阜康大道

城東南八十里小黃山炭窑折東行過黃山街

有支路二十里至紫泥泉

二十里至

孚遠屬之大墩灘

此為運炭出境之道

又城東北

出東門

六十里高湖浪

經行營草灘沙窩

折東行

五十里五箇泉五十里滴水溝二十里至紫泥泉與東境驛路會

城南自內東渠渡四工河土墩子河二十里至博克達山之麓又

七十里至山巔

城西北七十里梭梭堆

均草灘沙窩有支路東行二十里至高湖浪

折西行四十里至迪化屬之

胡桐窩

以上阜康支路

孚遠縣

城東十五里茭茭窩民居三四二十五里大泉民居四五接奇臺西境官道距奇臺新

城五里

城西四十里雙岔河城居四五按雙岔河乾隆三十六年築育昌堡水道記謂為唐沙鉢鎮地即阿史那賀魯所築之莫賀城待行記已辨其非三十里三台

驛市面闊大沿途多樹林郵莊有支路北行五里慶陽湖折西北十五里大馬圈四十里五廠湖與西北境支路會十五里老三台有萬墩支徑二一由老三台向南行經無量山之麓折西南至橫山接阜

康界計程五十里又自橫山東北分路西南行過二工河至齊馬台抵冰山計程約百里一自老三台向北行三十里至西地折東行三十里至大馬圈與北境支路會二十五里至四十里井

子小店二泉水甘接阜康東境官道距紫泥泉五十里

以上孚遠大道

城南三十里大龍口二十里三盛渠十里泉子街南鄉大聚落三十里小

西溝三十里四道橋再南抵冰嶺接吐魯番界凡一百五十里又城東十五

里茭茭窩折南行六十里公盛渠二十里柏楊河十餘里蔣家梁

再南抵冰嶺亦接吐魯番界凡一百二十里又城西南六十里泉水地南十里許有支路西

行經興隆渠長盛渠至大東溝計程四十里與西境支路會三十里廣泉子有支路東行經長山渠至小西溝計程三十里十里大有渠南接冰

嶺又城西南十五里入南山數里至山麓千佛洞紺宇壯麗三州輯略云考宋延德使高昌錄師子王避暑於北

應延德凡六日至北庭慈高台寺又明日引遊境內傳寺有日應運泰甯之寺真觀十四年造此洞蓋亦唐時高昌舊蹟也

謹案乎遠南境支路鄉土志圖並抵冰嶺接吐魯番界冰嶺卽古金嶺四時積雪含凍故俗以冰嶺名之唐書交河縣北行經柳谷度金沙嶺至北庭都護城宋王延德使高昌自前庭至後庭經雪山龍堂陶保廉侍行記謂古之金嶺當爲濟木薩東南一帶之山延德經行蓋今柏楊河東北經四道橋之路今此路商人尚有行者蒙古游牧記補注謂漢時車師前部通後部金滿城之路當在今之濟木薩地而闕三州輯略誤以齊克達巴即七個達坂傳克達山高處爲延德所度金嶺之非其說最爲精覈又唐貞觀間侯君集討高昌欲谷設使葉護屯浮圖城與高昌相應浮圖卽務塗之轉音也漢時務塗谷亦在乎遠南山中蒙古游牧記補注以千佛寺爲浮圖城故址準以地望尙非北轍南轅而因浮圖之名牽合梵字未免失之

城西二十里柳樹河折西南二十里經雙岔河南二十里石廠溝二十里永西溝二十五里大東溝十里潘家峽十里下石廠溝西爲工二

河南近
冰嶺

城北十里後堡子

北鄉大聚落有支路東
北行三十里至三廠湖

十五里破城子

唐金滿縣故城有唐金滿縣殘碑嘉
慶間尚存今佚矣徐氏松謂唐於庭

州立北庭郡護府元於別失八里立北庭郡元
帥府並治於斯遺址甚廣中有子城多小魚

由此分路一向東北行經十二戶二十里

至大孔堰

有支路西行二
十里至四廠湖

再北行抵沙山達奇臺境一向西北行十五下

新湖十五里四廠湖五十里五廠湖再北行抵北沙山達科布多

境又出城東門至二工東北行十里葉家湖折北行二十里二廠

湖十里三廠湖

有支路西行十
里至十二戶

十里豐盛堡與大孔堰支路會

以上孚遠支路

奇臺縣

城東三十里至三十里舖二十里四十里腰站

店四井
水甘

四十里屏營

驛卽奇臺舊治城

戈壁平曠城駐巡檢城外居民百餘家地乏水南半里許有漫湖二湖雨雪水以供人畜
飲灌有支路南行六十里下開鑿三十里上開鑿十里大西溝逾山後吐魯番北境支路

十里西吉爾莊二十里東城

居民六七
有樹木

二十里咬牙溝

偏地碎石同治二年十一
月奇台兵設伏於咬牙

溝兩山後以敗
阿匪殺賊千餘

二十里木壘河驛

唐蒲類縣地木壘即蒲類之轉音也舊名曰白水驛爲西行富八站之首有營
堡駐守備市上居民約一百五六十家附近種地者頗多咸豐間木壘市廢極

盛居民近萬亂後三十年迄未能復雍正十年正月大將軍岳鍾琪以木壘地勢扼要奏移大軍駐之八月
副將軍張廣泗開地處兩山之間形同釜底受敵甚易據守其難奏罷之二公皆知兵張公之言尤爲有見

四十里一

碗泉

居庚一

五十里三箇泉卽阿克他斯驛

舊名三泉驛官店一車店二民居一駐把總沿途多城阜康熙五十一年和碩額駙阿其聚敗

準噶爾於阿克他斯即是地也有支路東南行一百里至穆家地溝逾山達於都善境

九十里戈壁頭

舊名三泉驛站官店一即數年前臺車廢局地乏水取汲遠在六七里外什掘井至十餘丈無泉

十里大石頭卽烏浪烏蘇驛

舊名安驛郭舍傍山近始移於此四山縱橫中園官店民店二洞水甘有支路東北行一百四十里至臥龍居一五里小

石頭三十五里色必口

即色畢溝舊設營安驛站開省後改色必口驛光緒二十九年移設於頭水

由此分道一東南行

三十里至頭水驛

官店一小店一汎兵什水微苦自戈壁頭至此徑路在亂山中

接都善北境官道

距七角井一東行驛九十里

三十里至噶順溝北山廟接鎮西西境官道

距及發台驛三十里

城西二十里小屯十里西三十里舖二十里出境接孚遠東境官

道

出城卽孚遠屬之大泉

城北十里頭屯十里二屯二十里北道橋驛一百二十里黃草湖

驛

舊名噶順台

八十里將軍戈壁折東北八十里蘇吉

舊有台站

八十里元湖驛

有支路東南行四十里南漢水一百四十里老君廟

接科布多南境台路

自元湖西北行六十里科布多折北行四十里鄂倫布拉克台五十里錫伯圖台九十里布敦哈喇驛站一百六十里察罕爾

通古台一百里沙斯海台一百二十里玉音齊台八十里達布蘇開台一百二十里博多渾台一百二十里蘇濟台一百二十里科布多底台自奇臺抵至科布多城凡一千五百六十里

謹案由元湖至北道橋爲元太祖西征經行之路長春西遊記

抵金山前至白骨甸地皆黑石約行二百餘里達沙陀北邊頗

有水草更涉大沙陀百餘里東西廣袤不知幾千里古之戰場
凡疲兵至此十無一還頃者乃蠻勢大亦敗於是抵陰山前三
百里和州沿川西行西卽鼃思馬大城此大唐北庭今鄂倫布
拉克蘇吉黃草湖皆沙磧卽白骨甸和州乃火州之轉音鼃思
馬城今孚遠城北破城也乃蠻太陽罕之擒蓋在白骨甸大沙
陀矣

以上奇臺大道

城東九十里三箇莊

一名東城渠

九十里紅柳井

一名茂湖

九十里黑山頭

一名百坵

塔九十里臥龍居

一名臥雲磯舊名鄂隆吉雍正十二年甯遠大將軍查郎阿入觀準噶爾來襲至務塗水爾將軍張廣泗調副都統班第達什等於蘆草溝搜剿固原提督樊廷於鹹泉子搜剿大敗之追

過噶順直抵鄂隆吉達巴罕即其地有支路東北行七十里至紅沙泉

達鎮廳屬菜子地

謹案此路直達山西歸化廳待行記歸化廳西行九十里畢齊

克齊六十里博拉克齊一百里薩拉齊廳九十里包頭鎮

在黃河北岸

七十里黑兒腦包

以下皆蒙古地

六十里烏喇特西北七十里烏拉胡同

八十里烏蘭板升一百八十里莫兒古揜梁七十里烏蘭烏蘇